

之在我而見之不明知行之難成而行之不力耗耳目以逐末弊精神而背真致黑簿之多愆歎雲程之尚阻今則皈依

大道自悔前非復百行以無於存一真而克己以為千祿之本以為事天之儀仰冀真慈

俾諸志願錫以超騰之翼啓其經濟之圖臣恭謹為考仙範於琅函露天章之雲篆關申

三界懺謝十方注想陳詞依時行道燈然法炬燭昏暗以流光香達誠哀徹虛无而昭格

伏願玄都紫府金闕玉京萬聖垂覆祐之慈

○千真播護持之澤勅下三境普告諸天降福

延齡除災滅障上解宿曜十二次舍之厄下

穰九宮八卦分野之災一切積殃無邊重違

前寃往債故殺誤傷三業六根縱溢過犯因

今懺悔咸乞蕩除使冀科名早諧利達上願

聖祚享無疆之曆皇圖膺不拔之基兵革不

興邊烽罷徹早蝗不作休徵來臻俯冀七祖

超升九幽罷對五苦齊登於道岸三途俱沐

於玄風大需恩光普均品彙上明
天尊大慈之澤下副臣等歸命之誠謹啓以

聞

知磬舉十二願

舉存神燒香

高功復爐

香官使者左右龍虎君侍香諸靈官當令臣

向來靜夜陞壇行道之所自然生金液丹碧

芝英百靈來真交會在此香火爐前當願十

方仙童玉女接待蘭煙傳臣向來所啓之誠

速達徑御

至真无極大道

三清上聖

昊天玉皇上帝 御前

舉出堂頌 一 出戶
引至六幕堂
道門科範大全集卷之二十二

道門科範大全集卷之二十三二十四 舍九

廣成先生杜光庭剛定

文昌注祿拜章道場儀

祝神行道

法事陞壇如式

舉各禮師存念如法

高功宣衛靈呪

五星列照煥明五方 水星却災 木德致昌

榮感消禍 太白辟兵 鎮星四據 家國利亨

名列玉簡 字錄帝房 乘飈散景 飛騰太空

出入冥無 遊宴十方 五雲停蓋 招神攝風

役使萬靈 上衛仙翁 和與道合具

鳴法鼓二十四通

無上三天玄元始三炁太上五靈老君召出

臣等身中三五功曹左右官使者左右捧香

釋龍騎吏侍香金童傳言散花玉女五帝直

符直日香官各三十六人出出者嚴裝顯服

冠帶垂纓闕啓玄壇土地方域神真臣今陞

壇行道謹奏為入意其諸忱悃已錄告闕願

得

太上十方正真道炁靈寶瑞光下降流入臣
等身中令臣所啓之誠速達徑御

太上无極大道

三清上聖

昊天玉皇上帝 御前

請稱法位

具位臣某與合壇官眾等謹同誠上啓

七曲山司祿主者職貢舉真君英顯武烈忠

祐廣濟王英惠皇后昭慶善惠公柔應贊祐

助順靜正夫人濟美公善助夫人承裕公順

助夫人威烈公主掌桂籍侍從官屬一切威

靈巨聞神不可測擴睿智以無方民莫能明

運威靈而接物仰惟水府之真宰宅乃七曲

之秀峯紫閣高照於潼江行宮普過於列郡

雲行雨施雷厲風飛英靈鑒燭以無遺睿澤

霧流而不息布穹蒼之化育握禍福之樞機

無感弗通有祈必應醮官某欽崇玄典嚴啓

仙科伏願寶節丹幢暫離於洞府雲駉馳馭

來集於華壇監悃幅之拳拳流恩光於滢港

臣等無任激切依歸之至酒陳初獻

奏樂

具位臣某等謹重誠上啓

七曲山司祿主者職貢舉真君合祠一切真

靈巨聞惟道善貸救人而無棄人至聖弗居

不德是以有德以凡求聖則疑於曠絕以聖

應凡則出於慈光仰惟

七曲山職貢舉真君洞造道微深入聖域為

儒七十三代歷世數千百年昭雲漢之詞章

凜冰霜之威烈剪妖孽於指顧之頃震風霆

於呼吸之間澤利合情恩膏庶彙奪蜀民之

命於豺狼之口納坤維之地於仁壽之鄉蠡

蠡何知蚩蚩固覺靡蜀山而勒石不足以紀

其德竭岷江而染毫不足以書其功豈謂至

真應接凡士恍惚錫羊宵之夢須臾應一介

之求是謂道高而無棄乎人德大而無有其

德今醮官某欽仰聖烈嚴啓華壇願垂降鑒

之慈俯遂凡庸之悃屬臣關奏敢不申騰所

有青詞謹當宣奏

宣詞

諦觀詞語均見至誠激切敷奏曲盡心聲之
發齋莊恭敬恍臻神鑒之臨享此夕之多儀
介光身之景福吉無不利迄用有成臣等無
任傾虔懇禱之至酒陳亞獻

奏樂

臣聞上天無爲賴神威之翊贊大道至妙資

神德以敷宣如兩曜爲天之光明若北斗作

帝之喉舌惟道德之脗合致體用之相資仰

惟七曲山職貢舉真君與天爲徒執古之道

受上帝之眷命分下土之宏綱木馬汗流見

大慈之能勇雨途火熾知得一以曜靈今某

欽仰德威重伸丹悃伏願不行而至顯妙用

之無方所欲必從體天心而布惠臣等無任

傾虔祈祝之至酒陳終獻

奏樂

臣謹重誠上啓

七曲山職貢舉真君合祠一切真靈巨聞自

誠自明禮載前知之妙作齋作聖書名立極

之端惟淵懿以資深斯眇綿而作炳擴神明

而洞照本齋哲之流光仰惟七曲山職貢舉

真君心醉群經神疑奧旨超然自得既乃聖而乃神用之無窮宜能定而能應傳先儒之心印掌士子之文衡醮官恭欽仰真儀禮周薦獻伏願俯憐愚魯命巨鑿以破心孚佑顯蒙賜絲筆而待問臣等無任傾虔慕戀之至

舉法事

重稱法位

具位臣某與闔壇官眾等謹同誠上啓
七曲山司祿主者職貢舉真君英顯武烈忠
佑廣濟王主掌桂籍侍從官屬一切威靈臣
聞象立乾坤陳君臣之貴賤又重否泰迷大
小之往來何世不賴於材何材不資於世推
其利達之理宜有主張之權恭惟浩浩蒼天
皇皇后帝乃眷西顧委桂籍於七曲真君不
可度思建洪鈞於四方善士是用協贊無為
之化裁成陰騭之功扇照洽於群倫開休明
於六合醮官某自念性質樵鈍人品孱庸荷
春祐之洪恩被惟新之大德但以夙親黃卷
未達亨衢仗仙階佩錄之官致書生干祿之

願大敷洪澤咸遂丹衷爰下焦桐獲伸餘韻
月中仙桂更長新枝上願

聖君壽而四海阜安皇威振而九夷賓服多
士濟濟克諧晉接之亨百僚師師共底恭通
之吉凡該動植皆沐恩休醮官某或身心之
不清或儀矩之紊序合壇眾士萬咎千愆並
冀真慈俯垂原宥上以表神君汪洋之澤下
以副眾等虔祝之誠謹啓以聞

舉十二願

舉存神燒香

高功復爐

香官使者左右龍虎君侍香諸靈官當令臣
向來靜夜陞壇行道之所自然生金液丹碧
芝英百靈眾真交會在此香火爐前當願十
方仙童玉女接待蘭煙傳臣向來所啓之誠

速達俚御

太上无極大道

三清上聖

昊天玉皇上帝 御前

舉回鸞返駕天尊

念善 化財 回向 向眾

道門科範大全集卷之二十三

1021 4 4 32 4